

bidde ick dy dattu my van die quade  
ghewoente toe sondighen ende van  
alle onreynich<sup>t</sup> des herten ende des  
lichames wilste verloesen ende vertri-  
ghen my van god een gulden croene  
die myt voele costele stenen is vercijt  
ende myt dat hemelsche licht blenc-  
kent Amen. **Van s<sup>u</sup>nte Mathias.**

**O** Illighe apostel s<sup>u</sup>nte **Mathi-**  
**as** die van die schickinghe go-  
des myt dat lot der apostolen en ho-  
ren ynighen ghebeden biste ghetoren  
ende gheset in die stede daer iudas was  
wtgheset ende heuest myt dine doe-  
gheden verdient toe wesen een apostel  
een prediker en een martelaer chri<sup>st</sup> ick  
bidde dy ynlichlick dat ick doer dy  
verdienen ende ghebeden moet v-  
ringhen van onsen heren ghenade  
van al mijn sonden in deser tijt  
ende hiir naemaels dat ewighe  
leuen Amen. **Van s. Steuen den g**